

**MAGSINATI, MAGPAHIMULOS,
UG MAGPADAYAG NI CRISTO
(2)**

MAHINUNG DANONG MGA PAMAHAYAG

Pinaagi sa pagpakatawo gisul-ob sa bugtong Anak sa Dios
ang pagka-tawo ug nahimong Dios-tawo;
unya sa pagkabanhaw gipanganak sa Dios kining Dios-tawo
nga mahimong Panganay Niya,
ug gipanganak sab ang tanang magtutuo Niya
aron mahimong daghang anak sa Dios.

Nahikay na ang Tulo-usang Dios
pinaagi sa pagpakatawo, pagkalansang sa krus,
pagkabanhaw, ug pagkayab aron mahimong
balaod sa Espiritu sa kinabuhi nga gikataod na sa atong espiritu
ingog “siyentipikong” balaod, usa ka prinsipyong molihok-lag-iyaha;
kini ang usa sa kinadak-ang nadiskobrehan,
ang napahiuli man ngani, sa pamatigayon sa Dios.

Isip mga anak sa Dios, mga Dios-tawo ta,
gipanganak sa Dios, nakabaton sa kinabuhi ug kinaiya sa Dios,
ug iya sa kaliwat sa Dios; isip mga anak sa Dios karon,
maggawi gyod ta diha sa gugma ug kahayag,
pinaagi sa gugma nga sulodnong pagkamao sa Dios
ug sa kahayag nga napadayag nga elemento sa Dios.

Si Cristo ang mga inug-umol sa hinagiban sa Dios
ug ang pag-ampo maoy bugtong-talagsaong paagi
aron maaplikar si Cristo nga hinagiban sa Dios.

Mensahe 1

Ang Kaliwat ni David nga Nahimong Anak sa Dios

Basahong Kasulatan: Buh. 13:23, 33; Rom. 1:3-4; 8:29

- I. Niingon si Pablo sa Mga Buhat 13 nga gikan sa kaliwat ni David “Segun sa saad, gidad-an sa Dios ang Israel og Manluluwas, nga si Jesus” (v. 23), ug nga “Hingpit nang gituman sa Dios kining saara...sa pagbanhaw kang Jesus, ingon sab sa nasulat sa ika-duhang Salmo, ‘Ikaw ang Akong Anak; gipanganak Ka Nako karong adlaw’” (v. 33):**
- A. Makita nato sa mga versiculo 32 ug 33 nga si Cristo nga Panganayng Anak sa Dios gisaad man sa mga amahan, ug gituman sa Dios kining saara sa pagkabanhaw kang Jesus.
 - B. Pagkahimugso sa tawo nga si Jesus ang pagkabanhaw:
 - 1. Gipanganak Siya sa Dios sa Iyang pagkabanhaw aron mahimong panganayng Anak sa Dios diha sa daghang magsoon—Rom. 8:29.
 - 2. Bugtong Anak Siya sa Dios sukad sa eternidad—Juan 1:18; 3:16.
 - 3. Human magpakatawo, pinaagi sa pagkabanhaw gipanganak Siya sa Dios diha sa Iyang pagka-tawo aron mahimong panganayng Anak Niya—Heb. 1:6.
 - C. Nakita ni Pablo ang pagkabanhaw sa Ginoo sa Salmo 2:7: “Ikaw ang Akong Anak; / Gianak Ka Nako karong adlaw”:
 - 1. Gigamit ni Pablo ang pulong *karon* sa adlaw sa pagkabanhaw sa Ginoo.
 - 2. Nagpasabot kini nga ang pagkabanhaw ni Cristo mao ang pagkahimugso Niya isip panganayng Anak sa Dios.
 - 3. Gipanganak si Jesus, nga Anak sa Tawo, aron mahimong Anak sa Dios pinaagi sa pagbanhaw gikan sa mga minatay; busa, ang pagbanhaw sa Dios kang Jesus gikan sa mga minatay mao ang pagpanganak Niya Kaniya aron mapanganayng Anak Niya—Buh. 13:33.
 - D. Pinaagi sa pagpakatawo gisul-ob sa bugtong Anak sa Dios ang pagka-tawo ug nahimong Dios-tawo (Juan 1:14, 18; Luc. 1:35); unya sa pagkabanhaw gipanganak sa Dios kining Dios-tawo nga mahimong Panganay Niya (Buh. 13:33; Heb. 1:6; Rom. 8:29):
 - 1. Sa wala pa magpakatawo walay tawhanong kinaiya ang bugtong Anak sa Dios; duna ra Siyay diosnong kinaiya.
 - 2. Sa pagkabanhaw naa nay tawhanong kinaiya ug diosnong kinaiya sab ang panganayng Anak sa Dios.
 - E. Pinaagi sa pagkabanhaw ni Cristo gipanganak Siya aron mahimong panganayng Anak, ug gipanganak sab ang tanang magtutuo Niya aron mahimong daghang anak sa Dios—1 Ped. 1:3; Heb. 2:10:
 - 1. Ning daghang anak, ang Panganay ra ang bugtong Anak sa Dios—Juan 1:18; 1 Juan 4:9.

Mensahe 1 (sumpay)

2. Kining bugtong Anak sa Dios, diha sa Iyang nabanhawng pagkatawo, mao sab ang panganayng Anak sa Dios—Rom. 8:29.
3. Dunay pagkadios ug pagka-tawo ang Panganay, ug kita, nga mga magtutuo Niya isip daghang anak sa Dios, dunay tawhanon ug diosnong kinaiya sab—2 Ped. 1:4.

II. Makaila gyod unta ta ni Cristo diha sa Iyang pagkabanhaw nga gipaila nga Anak sa Dios diha sa gahom nga may tawhanong kinaiya Niya—Rom. 1:3-4:

- A. Sa wala pa magpakatawo ug mabanhaw si Cristo, Anak Siya sa Dios, ang bugtong Anak sa Dios—Juan 1:18; 3:16.
- B. Bisan Anak na sa Dios si Cristo sa wala pa Siya magpakatawo, ipaila gihapon Siya nga Anak sa Dios gikan sa pagkabanhaw kay sa pagpakatawo gisul-ob man Niya ang kinaiya sa tawo, nga walay kalabotan sa pagkadios—1:1, 14; Rom. 8:3:
 1. Human magpakatawo ang Anak sa Dios, natago ang diosnong kinaiya Niya sa unod.
 2. Anak na sa Dios si Cristo sa pagkadios Niya, apan kanang bahina Niya nga mao si Jesus nga may kinaiya sa tawo nga gipanganak ni Maria, dili man Anak sa Dios—Luc. 1:31-32, 35.
 3. Sa pagkabanhaw ni Cristo gibalaan ug gipausbaw Niya ang tawhanon Niyang kinaiya, ang pagka-tawo Niya, ug gipaila Siya gikan sa pagkabanhaw nga Anak sa Dios dala kining tawhanong kinaiya; ning bahina gipanganak Siya nga Anak sa Dios sa pagkabanhaw Niya—Rom. 1:3-4; Buh. 13:33; Heb. 1:5.
 4. “Diha sa gahom” kining pagpailaha sa Anak sa Dios, ang gahom, sa pagkabanhaw ni Cristo, nga ang realidad mao ang Espiritu—Rom. 1:4; Fil. 3:10; Efe. 1:19-20.
- C. Pinaagi sa pagpaila diha sa pagkabanhaw nahimong Anak sa Dios sa bag-ong paagi si Cristo nga Anak na sa Dios sa wala pa Siya magpakatawo—Rom. 1:4:
 1. Sa wala pa Siya magpakatawo Anak Siya sa Dios nga may pagkadios lang; pinaagi sa pagkabanhaw Niya gipaila Siya nga Anak sa Dios nga may pagkadios ug pagka-tawo—v. 4.
 2. Kon wala pa isul-ob ni Cristo ang kinaiya sa tawo, dili na unta Siya ipaila pa nga Anak sa Dios, kay sa pagkadios Niya Anak na man Siya sa Dios, bisan sukad sa eternidad—Juan 1:18; 17:5.
 3. Kay gisul-ob man Niya ang pagka-tawo sa pagpakatawo Niya, gipaila Siya nga Anak sa Dios nga may pagka-tawo diha sa pagkabanhaw—1:14; Rom. 8:3; 1:3-4; Heb. 2:14:
 - a. Isip gipailang Anak sa Dios, duha ang kinaiya ni Cristo, ang pagkadios ug pagka-tawo; dili natural nga pagkatawo ang naa Niya karon kondili pagka-tawo nga gipausbaw diha sa pagkabanhaw—Rom. 1:4.

Mensahe 1 (sumpay)

- b. Bisan ang tawhanon Niyang kinaiya gipaila man nga Anak sa Dios, kay gipaila Siya nga Anak sa Dios nga may pagkadios ug pagka-tawo.
- D. Ang pagpaila ni Cristo nga Anak sa Dios nga may pagka-tawo “sumala [man] sa Espiritu sa pagkabalaan”—v. 4:
 - 1. Ang Espiritu sa pagkabalaan mao ang pagkamao sa kinabuhi sa sulod ni Ginoong Jesus; sa nagkinabuhi Siya sa yuta diha sa unod, naa Niya kining pagkamaoha sa sulod Niya—Mat. 1:18, 20; Luc. 1:35.
 - 2. Sa nabanhaw si Ginoong Jesus gikan sa mga minatay, gipaila Siya nga Anak sa Dios diha sa gahom pinaagi sa pagkabanhaw sumala sa Espiritu sa pagkabalaan nga naa Niya—Rom. 1:4.
 - 3. Anak Siya sa Dios karon sa paagi nga mas matahom pa kaysa kaniadto, kay karon naa na man Siyay diosnong kinaiya ug ang binanhaw, gitransporma, gipausbaw, gihimaya, ug gipaila nga tawhanong kinaiya—6:4; Luc. 24:26; Juan 17:5; Buh. 3:13.
- E. Idugtong gyod nato ang Roma 1:3-4 ug 8:29:
 - 1. Pinaagi sa pagpakatawo, pagkalansang sa krus, ug pagkabanhaw Niya, si Cristo, nga Anak sa Dios, nahimong panganayng Anak, ug kamulong gipasama sa dagway ni Cristo ang daghang anak, nga mga igsoon Niya—Heb. 2:10-11; Rom. 8:29.
 - 2. Sa Roma 1:3-4 si Cristo, nga Anak sa Dios, mao ang hulmahan, samtang sa 8:29 ang daghang magsoon mao ang “dinaghang hulad” gikan sa hulmahan ug, pinaagi sa pagkaluwas sa kinabuhi, masamata sa dagway sa panganayng Anak.
 - 3. Maghimo kini natong Dios ug nagpasabot nga tuyo sa Dios diha sa Iyang pamatigayon nga himoong tawo ang Iyang Kaugalingon aron, diha ni Cristo, kita, nga mga magtutuo ni Cristo ug mga anak sa Dios, mahimong Dios sa kinabuhi, kinaiya, ug pagkaumol (apan dili sa ranggo sa pagka-Dios); hilabihan kadako kanang pagpasabota, ug sa kapulihay, mahingpit ang Biblia ning bahina—Rom. 8:29; 1:3-4; Juan 1:1-13; 1 Juan 3:1; Bug. 21:2, 10-11.